

嚴式誨／編

音韻學叢書

YINYUNXUECONGSHU



國家圖書館出版社

嚴式誨 編

音韻學叢書

YINYUNXUECONGSHU

第四冊



國家圖書館出版社

第四冊目錄

音學五書三十八卷 清顧炎武

唐韻正二十卷 一

上平聲卷一 三

上平聲卷二 九一

上平聲卷三 二〇七

下平聲卷四 二一五

下平聲卷五 二九五

下平聲卷六 四七三

下平聲卷七 六一三

唐

二

韻

十

正

卷

四江公孫長子署眉

癸酉八月渭南嚴氏校刊于成都

唐韻正上平聲卷之一

音學五書
十七

凡韻中之字今音與古音同者卽不復註其不同者
乃韻譜相傳之誤則註云古音某並引經傳之文以
正之其一韻皆同而中有數字之誤則止就數字註
之一東是也一韻皆誤則每字註之四江是也同者
半不同者半則同者註其略不同者註其詳且明其
本二韻而誤併爲一五支是也一韻皆同無誤則不
註二冬三鍾是也餘倣此

一東

弓
居戎切

古音肱 詩大叔于田三章抑釋棚忌抑鬯弓忌

小戎三章虎韞鏤膺交韞二弓竹閉緹縢 采綠三

章之子于狩言韞其弓之子于釣言綸之繩 閟宮

五章公車千乘朱英綠縢二矛重弓公徒三萬貝冑

朱綬烝徒增增戎狄是膺荆舒是懲則莫我敢承

左傳莊二十二年詩曰翹翹車乘招我以弓豈不欲

往畏我友朋 楚辭九歌國殤帶長劒兮挾秦弓首

雖離兮心不懲誠旣勇兮又以武終剛強兮不可凌

身旣外兮神以靈魂魄毅兮爲鬼雄靈字不入韻

韓非子揚權篇毋弛而弓一棲兩雄 漢枚乘七發

將爲太子馴騏驥之馬駕飛輪之輿乘牡駿之乘右
夏服之勁箭左烏號之雕弓 宋吳棫韻補曰弓姑
弘切春秋昭三十一年邾黑肱以濫來奔公羊傳作
黑弓儀禮鄉射禮侯道五十弓弓二寸以爲侯中註
今文改弓爲肱 按弓字古無讀居戎反者當改入
蒸韻 元戴侗六書故曰弓古音姑弘切而躬字从
呂詩躬與宮宗協見於雲漢弓與繩膺協見於小戎
采綠較然不紊弓非躬之聲也按論語天之曆數在
爾躬亦與中窮終爲韻

雄
羽弓切

古音羽陵反 詩無羊三章爾牧來思以薪以蒸以

雌以雄爾羊來思矜矜兢兢不騫不崩麾之以肱畢

來既升 正月五章謂山蓋卑爲岡爲陵民之訛言

甯莫之懲召彼故老訊之占夢具曰予睟誰知烏之

雌雄 左傳襄十年孫文子卜繇兆如山陵有夫出

征而喪其雄正義云古人讀雄與陵爲韻詩正月無

羊皆以雄韻陵是也 楚辭國殤見上 韓非子見

上 素問著至教論此皆陰陽表裏上下雌雄相輸

應也 黃石公三略故其眾可望而不可當可下而

不可勝以身先人故其兵爲天下雄 淮南子覽冥

訓夫外生同域不可脅陵勇武一人爲三軍雄 兵
略訓奇正之相應若水火金木之代爲雌雄也善用
兵者持五殺以應故能全其勝 漢書元后傳陰爲
陽雄上火相乘故有沙鹿崩後六百四十五年宐有
聖女興 漢冀州從事張表碑文懿烈純德繼踵相
承于來我君亦邦之雄 魏陳琳神武賦單鼓未伐
虜已潰崩克僞馘首梟其魁雄 按雄字自文子符
言篇老子曰一言不可窮也二言天下宗也三言諸
侯雄也四言天下雙也列女傳魯寡陶嬰歌悲夫黃
鵠之早寡兮七年不雙宛頸獨宿兮不與眾同夜半

悲鳴兮想其故雄後人因之誤入東韻

熊

古音同上 春秋宣八年葬我小君敬嬴公羊穀梁傳竝作頃熊頃音近敬熊音近嬴正義不得其解乃云一人有兩號非矣 左傳昭七年正義曰張叔皮論云賓爵下革田鼠上騰牛哀虎變鯨化爲熊久皿爲燐積灰生蠅傅玄潛通賦云聲伯忌瓊瑰而弗占兮晝言諸而暮終嬴政沈璧以祈福兮鬼告凶而命窮黃母化而爲黿兮鯨殛變而成熊二者所韻不同或疑張叔爲能字著作郎王劭曰古人讀雄與熊皆

于陵反張叔用舊音傳玄用新音張叔亦作熊也案
詩無羊正月及襄十年衛卜禦寇繇皆以雄韻陵劭
言是也 以上二字當改入蒸韻

曹

莫中切

古音莫騰反 左傳襄十四年不與於會亦無曹焉
曹音莫贈反徐又武登反一音武忠反 今此字兩
收於一東十七登部中 按唐岑參寄青城龍谿奩
道人詩五嶽之丈人西望青曹曹與棲僧凝澄稱燈
乘應爲韻獨孤及招北客文白日無光其氣曹曹與
凝蒸爲韻是唐人固讀爲莫騰反矣 當削去併入

登韻

覲

古音同上 亦作鄴春秋昭二十年曹公孫會自鄴
出奔宋鄴音莫公反一音亾增反

玉篇有瞢字亦云莫公默鄧二切今廣韻不收

夢

古音同上 詩雞鳴三章蟲飛夢夢甘與子同夢會
且歸矣無庶予子憎 斯干六章乃寢乃興乃占我
夢 正月四章瞻彼中林侯薪侯蒸民今方殆視天
夢夢旣克有定靡人弗勝有皇上帝伊誰云憎 五

章見上 漢揚雄甘泉賦般倭棄其剗剗兮王爾投
其鉤繩雖方征僑與倕仝兮猶彷彿其若夢 詩視
爾夢夢沈音莫登反 亦作寢淮南子繆稱訓其坐
無慮其寢無寢物來而名事至而應 文子同 陳
第曰夢莫騰反後轉音蒙晉潘岳哀永逝文旣遇目
兮無兆曾寤寐兮弗夢旣顧瞻兮家道長寄心兮爾
躬始音蒙 按石崇答曹嘉詩周公不足夢亦與中
融等字爲韻 張昭曰說文寢寐字偕夢聲音義不
同因筆繁俗省詳九經字樣佩觿集 以上二字當
改入登韻

馮房戎切

古音憑 詩縣六章掾之陬陬度之藹藹築之登登
削屢馮馮百堵皆興磬鼓弗勝 晉郭璘山海經飛
鼠贊或以尾翔或以髯凌飛鼠鼓翰翮然皆騰用無
常所惟神是馮 春秋莊二年宋公馮卒馮音皮冰
反 山海經冰夷註冰夷馮夷也竹書作馮夷字或
作冰也 說文馮从馬久聲 元吾衍閒居錄曰舜
生諸馮及晉人有馮婦之類皆音皮冰反古不音房
戎反也 今此字兩收於一東十六蒸部中 按漢
書禮樂志安世房中歌桂華馮馮翼翼本註無音當

與憑字音同太玄經廓次六維豐維崇百辟馮馮伊
德攸興馮與下興爲韻不與上崇爲韻至後周祀黃
帝雲門舞歌齋壇芝畦畦清野桂馮馮與同宮中風
蔥爲韻則讀房戎反矣又吳華覈上孫皓文曰咨覈
小臣艸芥凡庸遭眷值眚受恩特隆越從朽壤蟬蛻
朝中熙光紫闥青瑣是憑晉郭璞作元帝哀策文曰
大業未恢皇齡未中天慤其景崑頽其崇煢煢小子
藐藐孤冲靡天何戴靡地何憑恍惚極慕若存若終
則并憑字亦讀爲房戎反蓋此字之音自吳已誤後
周庾信鴛鴦賦以韓憑爲韓馮亦讀爲房戎反當

削去併入蒸韻

汎

古音孚梵反 說文汎从水凡聲 今此字兩收於

一東六十梵部中 當削去併入梵韻

芄

古音凡 說文芄从艸凡聲 當改入凡韻

梵

古音扶泛反 今此字兩收於一東六十梵部中

漢都鄉正衛彈碑梵梵黍稷偕作芄芄故入此韻

當削去併入梵韻